



**DEFENSORIA PÚBLICA
DE MATO GROSSO DO SUL**

LÊI MARIYA DA PENHA

Kauhápu'ikoati emó'um itúkovoqe ra Lêi 11.340/2006



DEFENSORIA PÚBLICA DE MATO GROSSO DO SUL
DEFENSORIA PÚBLICA-GERAL DO ESTADO

Av. Desembargador José Nunes da Cunha, s/nº - Bloco IV – 1º Andar – Parque dos Poderes
CEP 79031-310– Campo Grande - MS – E-mail: gabinete-dpge@defensoria.ms.gov.br
Fone: 67 3318-2500 | Fax: 67 3318-2524



Nudem
Núcleo Institucional de Promoção
e Defesa dos Direitos da Mulher
Defensoria Pública de Mato Grosso do Sul



EXÓKOATI

Enepora yuhoíkovokuti koehati Defensoria Pública ítuke poke'ixa úti Mato Grosso do Sul hána'iti ítúkovoke xapákuke xanéhiko, oposikoti kixoaku ómea ne konokoâti xoko kanáuti yutóeti.

Xapákukehiko êno koekuti énomone itukóvo ra Defensoria Pública yuho'íkovokuti motovâti kalíhuxopea pihí'ikeokoko ítúkeovo ne xanéhiko ya kotíxea sêno isukákana kúveuke óvoku.

Enepo isúkókono ra sêno kixo'êkoti púveokono koane akó'oti teyakana. Ya koeku esá'ikeovo kixoku ítúkeovo iyénoxapa, kónokoa ítúkinoa isóneu kixoku itukeovo ne sêno koane hóyeno, énomone ápeino ra lêi kotíxoti sêno.

Énomone ápeino ra Lêi 11.340/07, kóehati Lêi Mariya da Penha, koyúhoti koeku isúkókono ne sêno kúveu óvoku yoko xapakuke iyénoxapa, ítukóvotihikoye yoko ítóponoku enepo isúkókono kúveuke óvoku, koanemaka xapákuke iyénoxapa yoko ákoti itukapu iyénoxapa.

Enepo ápeinoke ra kali koyuhópeti motovâti éxea sêno ovóhexoti híyeuke koemaiti koekuti ya kúveuke óvoku, maka éxane ndirêutuna yoko óvoku yuhoíkovokuti motovâti kotíxeokono ra sêno.

Hánaiti Mêum, março 2016.

LUCIANO MONTALLI

Defensor Publico ítuke Heu Koeti Estado



ENEPONE NUDEM

Enepone NUDEM (óvoku oposíkoti kixoku kotíxea sêno yoko ndireítuna) ya quinze na outubro 2014 ápeyea ra yuhoíkovokuti ya poké'exake úti, motovâti itóponea nókone itúkea xané kixoati ne Lêi 111/2005, koyuhoâti ya artiguke mopoâti, inciso XI, exókoati yoko kotíxoti xanéhiko xoko ovóhexoti híyeuke koemaiti koekuti.

Noixókono kónokea káxunakea ne itukétihiko ítuke sêno, eneporá NUDEM únati ítuke, koyúseati, kutikókoti yoko koati itúkovo exókoati koati ndireítuna, motovâti píhea tumúne kotíxea ra sêno ovóhexoti híyeuke koimaiti koékuti.

Eneporá óvoku oposíkoti kixoku kotíxea sêno yoko ndireítuna, huvo'óxoti, epemókuti yoko kaxunákoti motovâti itóponea ne nókone. Koane êno xanéhiko ákoti tópi kó'iyevoku éxone kuteati koeku psicóloga yoko assistente social, motovâti ákoyea pihohi ákoe mará'inamo yupíhapu koeku.

LEINA MARIYA DA PENHA

(Lêi 11.340/2006)

Eneporá Lêi únati xapákuke senóhiko yara vémeuxa:

a) Aneko veinoake motovâti ákoyea isúkapu ne sêno kúveu óvoku koane xapákuke iyénoxapa;

b) Koyúhoa koekuti kó'iyevoku kixókonoku ne sêno enepó'oxo isukákana koane ihíxaikakana;



c) Enepone pahúkotihiko pahukoâtimo kotíxeokono ne sêno motovâti ákoyea kaitapanapu kotíveti;

d) Koxunákoti sêno motovâti ápeyea ipixáxoati yoko katarákoati enepó namukákana;

e) Enepone njúi motóva pahúkea ípiheokono ne sêno xoko ítukevohiko ne nâti kuteati koeku: namúkoti nikokónoti, ápeyea óvoku íhikaxovoku koane katarákoati ne xe'éxa, áko'oneoxo konôko ipúhikea óvoku ne sêno ipokópovo po'íke ovokúti;

f) Kotiu'ikoti uhá koeti sêno yúhoikeovo, koêkuti ovoti híyeuke koimaiti koekuti ya kúveu óvoku koane xapákuke iyénoxapa.

KIXOKU VÉKOKU NE ISÚKOTI*

Iyúseo kixoku turíxeovo isukókono ne sêno, mopó'a koeku: imaíkovoti, isúkoti vo'oku oyókea. Enepo itukovo oyókoti ako axú'ina káxe yónoku, yane turixópovotinemaka ene koye:

INÚXOTI: TURÍXOVO ÍMAIKEOVO

Ihákea turíxeovo ne isúkoti vo'oku kotokóvoti. Koane xuná'iyea ne ímainevo tuku kixoti itóponea isúkea. Enepone isukóvoti koyúhotine ítúkeovo mómiti ne isukoâti, ákoti ko'ítukeku, koane ako tópi yúho motovâti kotíxea ne isukoâti, ihane sikovó koe yane kixókonoku.

PÍ'APE: KOEKU NE ISÚKOTI

Enepone isúkoti ákone okómohi koati ísukotine. Koane ne sêno ákone aká'aha kixoâku ne isukoâti vo'oku óko'okea opósikoane kixoaku iyúni'ikea itea ákone itóponone, vo'óku ne isúkoti ákone kâma.

* WALKER, Lenore E. The battered woman. NY: Harper Perennial, 1979.

MOPÓ'PE: OYÓKOTI

Yara hinókoku, ikéneke ímainevo eneporá isúkoti koyúhotine kotíxoponeovo iyuní'ikopatine ne isúkone koyúhotine ákoyeanemo ákoeneye.

Itea turixópovotinemaka isúkopeamaka ne múxone!



Yokómomapihi emó'uti motovâti huvó'oxeopi ava kahá'ati isúkeopi kíxeakumo yimópi.

Nakoetí'iyé ápeino sêno itoâti eno káxe ixómoyea isúkono kúveu óvoku?

Êno emó'uti koane êno yuvâti ákoinoke kuríka sêno ne ísukenati, kuteâti koêku:

- Pikoâti kuríkea vo'óku énomone óvo koémaiko enepó kurikôa ne ísukenati;
- Piko opósikea huvo'óxoati vo'oku téyeya;
- Póehane kuxo ípokeovo kixoku itúkeovo ne múxone;
- Yunú koye ne isukóvoti ako apásika huvo'óxoati xoko Estado;
- Ápe senóhiko apêti nókonehiko énomone mapíkinova ne koyuvôrixovoti múxone;
- Motovâti kuríkea ne koyuvôrixovoti múxone: anêko kaxéna.

Kuti iko'ítukexoa ra Lêi Marya da Penha?

Enepora Lêi hara yóno xapákuke xanéhiko:

- Senóhiko, hóyeno yómoti hóyeno; sêno yómoti hóyeno, hóyeno yómoti sêno;

- Senoxóvoti/Mayane sêno, hoyenóxovoti/mayane hóyeno.

Kuti ko'évoti ne sêno isúkinokonoke kúveuke óvoku yoko xapákuke iyénoxapa?

Motovâti isukókonoti kíxeokono ne sêno kúveo óvoku konókoti:

- Itúkeovo kúveu óvoku, ápeyeya haíne, xapákuke iyénoxapa yoko ákoyea itúkapu iyénoxapa, koane kónokoa ápeyeya ovopónoati óvokuke;
- Itúkeovo xapákuke iyénoxapa, koati iyéno koane itúkoati iyéno ako okónokoa itúkeovo îma yoko yêno;
- Itúkeovo múxone yoko kuríkine, yusíkoti ákoyeya okómuxonea, kúteane koeku itukapu yúhoixone.

Kuti yane ne isúkoti ovoti kúveu ovokúti yoko xapákuke iyénoxapa?

Uhá koeti isúkoti yusíkoti itúkeovo sêno yoko hóyeno, konókoti itúkeovo múxone, iyénoxapa yoko yúhoixone.

Yokómomapihi itukóvotiye ne ísukenati: Imâe, múxone, yúhoixone, xé'a, ihíne, imóxuko, imóse, sinéna, sîna, ihínexaka, xé'axaka, po'ínu, mokéxa, há'a, êno, ámori, ónokena.

Ako yusíka inótoyevova vokóvo ne isúkoti ápeyea híyeuke senóhiko.

Konókoti komómeokono ne isúkoti ya kúveu ovokúti itúkeovo iyénoxapa, ahínoe, koyónoti kalivôno, koituketi ya káxe.

Ápe po'ínu, isúkoti kuteâti koeku kúxoti yúhoixone, kúxoti îma, kúxoti múxone, kúteane koeku ne isúkoti kúveo óvoku.

Kuti itukóvohikoye isúkinovoke ne sêno ya kúveu óvoku yoko xapákuke iyénoxapa?

Koêkuti kó'iyevovoku enepo koepékokono ne sêno, yoko koêkuti kó'iyevovoku óko'onevo, kúveuke óvoku yoko xapákuke iyénoxapa. Enepe ne isúkeokono motóva itúkeovo:

- **Ipusó'okeokono:** enepo ipusó'okokono okó'okovo mûyo ne sêno yoko itukovo ka'aríneti. Koêkuti itóvoku óko'onevo ne sêno yusíkoti itúkeovo kalíhuti ákoti iyusêina ikéne motóva kixeokono itúkeovo isukókonoti ya kúveu óvoku yoko xapákuke iyénoxapa.

- **Isonu:** enepone isúkoti itópono isóneu sêno enepo ihíxoikoa, poke'éxoa, pahu-pahú kixôa, opósi'okova, áupuikoa, ixomo koyonôa motovâti itóponea isóneuke ne sêno, itóponoamaka iká'arinexea, koane itúkinoa isóneu kixoaku ya uhá koeti kixóvoku yoko âha itúkea ne sêno.

- **Namukókono:** yúho'ixo isóneu sêno enepo, namukókono ákoti itukapu âha, koane kaxunákokono motovâti komómea, yusíkoti ákoyea ita namúkea. Itóponoamaka ra Lêi, kixoku itúkeovo ne kahá'ati namúkea sêno koane katipákoati motovâti kâsatuxea, kaha'ainoati íhaikea, kovoyókopeati xe'éxa, ihíxoikoati motovâti namúkea, vanexôati yoko aupú'ikoati.

- **Itukéti:** enepo uke'éxo ítukevo sêno ne isúkoti yoko itukovo veyoâti ko'ítukepe, ndukuméntunahiko, tiûketina, tiûketina ovoti mbákuke, kúteane koeku po'ínuhiko koekuti motovâti ikó'itukexea.

- **Moral:** enepo ihâko sêno ne isúkoti, itukoâti xêti, semekékexoti, koyuhoâti xapa xâne kixóvoku ne sêno, koane poinuhiko emoúti.

Na kónoko yóneam oránake inzúkakana koane koti ombósiko enepo anghá'a inzúkeokono kuveu óvongu?

- Háne yapásika éxoti koeku sêno, oráke línga yáko, yâ hinókokuke ra kali koyuhópeti anêkohiko ne númeru lingéxokumo;
- Motóva yopósiki ne yúhoikovoku sêno póehane sêno yúho'ixo énomone ne koéhati (DEAM);
- Motóvamaka yopósiki kôekuti yuhóikovokuti, hókoti ne yúhoikovoku sêno yane pitivóko yóvoku;
- Motóvamaka yopósiki ne koéhati Defensoria Pública;
- Motóvaka yopósiki ne koéhati Ministério Público;
- Motóvamaka yopósiki ne óvoku sêno.

Koêkuti kó'iyevovoku ne yopósiu, hanemo iyónopi ndelegásiyake motovâti yutóxeovo îha xoko pulísia héu koeti ne kixékonoku isíkikono. Héu koetihiko ra apêti yara xoko kali koyuhópeti apasíka sêno isueti kúveu óvoku usó koyêtihikomo huvó'oxea koane kátarakea ne sêno.

Enepo enjâ'a ápeyea sêno ixómoti isukóvo kúveu ókoku, na kónoko ngó'iyea?

Motóva hivó'oxi. Yapásika ne koahati Defensoria Pública ítuke estado énomonemo exókoepa nókone ké'iyi. Enepe ne ndenúnsia motóvamaka ákoyea exáka îha ne xâne koyuhóponoati xoko pulísia koane xoko po'ínuhiko éxoti koeku sêno apêti ya hinókokuke ra kali koyuhópeti.

Enepo mbíha ndelegásiake ngoyúhoponea ne isueti yóko'o ne ye'ekotine isúkeovo sêno, namo ngixókonoye motovâti ákoyea ngixókonoku?

Héu koeti yuhoíkovokuti kónokoa opósikea ne:

- a) Yutóxea ne isukóvoti xoko íhauti Leina Mariya da Penha;
- b) Kónokoa kátarakeokono koane komómoyea pulísia, enepo okónokoa, koane kónokoa éto'okea ne íhauti Ministério Público yoko njûi éxoti vékoku itukéti;
- c) Enepo áva isukópiti yoko okó'okoti kexé'u kónokoa yómikono xoko ipixáxovokuti, kuteâti ospíta, póstuna sâude, yoko xoko komómoti muyôe íhauti – IML motovâti itúkea ênzame éxeokonoxo óko'okeovoxo, íxaririokea, yoko po'ínuhiko homomóketi muyóke;
- d) Enepo akahá'a isíkikono yoko képekikono kónokoa peréxikono iví'e kúteane héu koeti iyínoxapa, motovâti yómikono xoko ovokúti ákoyeakumo itépanakana koane unátiyeakumo kêku;
- e) Kónokoa ápeyea xanépititi, enepo okonókoa, motovâti viyóponi héu koeti ne ítikevo apêti yane kúveu yóvoku;
- f) Kónokoa yéxokikonoa koane yéto'okikono kôeku ne ndireituna íti koane kónokoa hivó'oxikono motovâti ákoyea yuvópiti.

Kotíyane ne koéhati Boletim de Ocorrência íhauti (B.O)?

Énomone ne ndukumentu ikó'itukeu pulísia (civil, militar yoko federal) motovâti yutóxea íha ne pahukóvoti xâne, énomone kónoko yutóxeokono héu koêti kixókonoku ukeati turíxeovoke túku kixóti hinókoku ne sêno isoeti, motovâti opósikeokono kixókonoku huvó'oxeokono koane iká'akea pulísia ne isúkoti.

Kotíyane koane kotíhikoya ne kixókonoku motovâti hú kó'iyea kóyonoyeokono ne isukóvoti?

Kónokoa hú kóiyea kóyonoyeokono koane komómeokono ne sêno motovâti ákoyeane isúkakana. Póehane Njûi motova poréxea nókone kíxeokonoa ne sêno koane énomone motova pahúkea kóyonoyeovo motovâti ákoyeane isúkakana.



Ako tôpi kó'iyevokutu kixókonoku kuteâti:

KIXÓKONOKU NE ISÚKOTI

Enepone seno njûi yoko hóyeno njû'i motóva hú kíxea pahúke ahíkuxeovo ne isúkoti, kutêati:

- a) Kónokoa ahíkuxeovo ne isúkoti yane óvokumeku kahá'ineyea ne ísue;
- b) Kíxea ne isúkoti ákoyea ahí'akapa koane ákoyea omótova yúhoikea ne ísoe yoko héu koeti iyénoxapa, kúteane ne noxoâti isúkea ne sêno;
- c) Kíxea ne isúkoti ákoyea omótova píhea ya po'íkehiko ovokúti;
- d) Kíxea ne isúkoti kónokea poréxea tiúketi ne xe'éxaxapa, enepo hókoti ko'itúke ne sêno meumkeke, motóvamaka koane kónokoa poréxea tiúketi, yé'a koeti káxe;
- e) Kíxea ákoyea omótova ikó'itukexea kapuhá'ikopeti;
- f) Kíxea ákoyea omótova nóxoponea xe'éxaxapa.

KIXÓKONOKU NE SÊNO

Enepone seno njû'i yoko hóyeno njûi motóva pahúkea kóyonoyeokono koane komómoyeokono ne sêno kutêti koêku:

- a) Kónokea pahúkea xoko komómoti sâudina sêno koane ápeyea ixómoti komomóhexoa;
- b) Kónokoamaka pahúkea kuríkeokono koane ahíkuxeovokoko, koane poréxoamaka ndireituna óvea xe'éxa xokóyoke, poréxea nîka, tiúketi yoko háxakexeokokoa ne apeinoati kúveu óvoku;
- c) Poréxoá kótiu'ikinoá apéinoati, koane kónokea poréxoepa héu koeti veone ne isúkoti;
- d) Enepo yasináxapu perexoâti ne isúkoti motó'iyeeova asínaxea motovâti vanéxea ihéke, koane kaváneyea, enepone njû'i énomonemo epemôa ákoyeane omótova ikó'itukexea íhe, motovâti vanéxea koane kaváneyea ihéke;
- e) Enepo améxa koekuti ítike ne isukópiti, njû'imo pahukôa kónokea kuríkopinopea.

Kotiya motova épemea ne kixókonoku motovâti hú kó'iyea kóyonokeokono koane komómeokono ne sêno?

Póehane ne isukóvoti yoko áva pahoe opósikinoa motovâti épeminoa yoko épemea kónokoa kóyonokeokono. Enepo itukapu inámatiko, enepone iyéno énomonemo oposíkinoa koêku motovâti ápeyea komomâti koane koyonoâti.

Na kó'eye koane na kixókonoye motovâti épemeokono ne seno njûi yoko hóyeno njûi motovâti épemea komómeokono koane kóyonokeokono ne isukóvoti?

- a) **Ya yuhoíkovokutike:** enepone ndelêkatu pahukoâtimo xóko njûi xáne xikoni mboleti. Enepo njûi énomonemo koyuhôa ovâti 48 koeti ôra nókone kó'iyea koane nókone kíxeokonoa ne sêno;
- b) Énomonemo exókoa itúkeovomo koéhati **Defensor Público** áko'o itúkeovo advogado;
- c) Itúkeovomo koéhati **Ministério Público**.

Enepo koéhati Defensoria Pública yoko koéhati Ministério Público motóvamaka épemea yuhoíkovokutike kónokoa yutóxeovo héu koeti kixókonoku ne isukóvoti, koane motóvamaka épemea ho'úxeokono koyuhoâti kaná'uyea kixókonoku isúkeokono ne sêno, koane motóvamaka pahúkea xoko IML.

Na kó'eye ne isúkoti enepo hókoti itukôa ne épemokonoke nokone itúkea?



Motóvoka kíxeokonoa ne isúkoti hókoti itukôa ne épemokonoke énomonemo iká'keovo.

- Enepo isukóvoti kónokoa koyúhopone koana yutóxoponea ne mboléti, koyúhoati ákoyea itúka ne isúkoti nókoneni itúkea, motovâti épemeokono iká'akeovo ne isúkoti.

- Motovâti épemea kóyonoyeokono koane komómoyeokono ne isoeti ako okónoko itúkea mboléti.

Enepo sêno isukóvoti yokone kahá'ati isúkeokono kónokoa hú kíxeokono komómoyeokono koane kátarakeokono koêkuti ókoku ôra koane koêkuti káxe.

Ínamo embemákana ngahá'ayea itúkeovo ûndi koyuhó'inoa ne isukónuti, koti kixó'eko?

Motóva itúkeovo isukóvoti epemoa prosésa kíxeokono ne isúkoti, motóva itukêovo ndelekásiyake itúkovo yaneko káxe isúkevoku oránake itukeâmaka mboléti, itea motóvamaka itúkeovo ya pói káxe, itea ako omótova anú'ukea sei koeti kohêe koane kónokoa yáukivo ndelekásiyake.

Héu koeti inzúkeokono kónokoa itúkeovo ûndi epemínoa iká'keono ne isukónuti?

Áko'o. Póehane énepo yakahá'a itúkeovo îti koyuhó'inoa motovâti iká'akeovo, keyuhoâti itúkeovo kahá'ati isúkeopi.

Enepo aká'aka kexé'u, yusíkoti itúkeovo koémo koeti ákoti iyusea ikéne (itukapu matíti koêti, mitatákopiti, yoko po'ínuhiko), ako okónokoa yépemi ikáakeovo póehane itíki mboléti, epemókonotinememo kónokoa iká'akeovo ne isúkoti, yusíkotimo ákoyea épema ne sêno isukóvoti iká'keovo ne isukoâti.

Ínamo angahá'a ngáyukopeovo ingéne ngoyúhoponea ne isukónuti, motóva ngáyukopeovo ingéne?

Motóva keyukopivo ikíni enepo hóxotivo símo mesánake njûi enepone kixékonoku isíkivo.

Motovâti itiki kenókotimo póhuti sêno xanépiti itukovo hóyeno Defensor Público, énonememo epeminopi njûi káxe píhepe motovâti keyúhoponi ne kêku koane yâha.

Enepo itukapu isúkoti OKÓ'OKOTI KOXÉ'U AKO OMÓTOVA KÁYUKOPEOVO IKÉNE NE SÊNO, vó'oku ako okónokoa sêno épemea inámukea, iká'akeovo, kóyanemo inámukea koane iká'akeovo.

Ínamo imbuhíkea óvongu, ínamo hókoti koyunúkoyu kahá'ayea namúkeonu koane kahá'ayea isúkeonu namo ngó'eye hókoti yónongu njé'oneovo motovâti ákoyea itápananu ne isukónuti?

Enepo itukapu yâha, motovâtimo yómikono xoko ovokuti, óvokuhiko sêno xane kixotihiko xe'éxaxapa enepo áva, motóva óvea koêkuti yéakeye káxe tuki kixoti éopea motó'iyevane ko'óvokupea.

Ínamo imbuhíkea óvongu, evóngotimo ndireituna ûndi?

Áko'omo. Ákomo yévaka ne ndireituna îti, koane ákomo yévaka ne ítikevohiko apêti kúveu yóvoku, kúteane ne xi'ixaxapa áko yevaka. Háina kurihí kixeâti ne yóvoku.



Kotíyane ne óvokuti iyónokonoku kohó'iyea ne sêno koane na kixó'oye itúkeovo?

Énomone ne ovokúti iyónokonoku sêno íkoho'ixeokono isukóvo motovâti ákoyea itápana ne isukoâti. Ako exoâti óvoku ne ovokúti motovâti ákoyea itápanakana ne isoéti. Motóva yómi xi'ixaxapaya simayâa epemó'ikokonotimo enepó'oxo katarákokonotimo pohú-pohu koêti. Koane exókokonoâtimo nókone kó'iyea kúveuke ne ovokúti koêku itúkeovo ovó'iko.

Kene ngo'ítukeku? Motovâtimo ávoyea mbîha ngo'ítukeyea?

Enepone njûi motóva épemea pétaurauxa kónokea ke'ítukeyi ovâti séi koêti kohêe, koane okonóko yehíkuxivoiko yane ke'ítukeku motóva peréxikonoa. Enepo itukapu îti ko'ítuketi xoko pública áva kahá'ati koépekeopi motóva pehúkopikono ipekopívo po'íke pitivóko.

Motovâti ápeyea ndirêituna îti kónokoa yéto'oki ne pétaurauxa óvoku ke'ítukeyi héu koeti ne víkoku, motovâti ákoyea képuhikapakana kuti kó'iyeamo kurihi kixeâti ne ke'ítukeku.

Namo kixó'oye huvó'oxeonu ne koéhati Defensoria Pública?

Enepone koéhati Defensoria Pública usó kóye huvó'oxeopi, motóvamaka opósikinopi huvo'óxopiti koane exókopeatimo nókone kél'iyi koane veyópitimo yane yóvoku ixómokea isíkovo motovâti ákoyeane keitanapanu kotíveti.

Hara koe Lêina Mariya da Penha, kónokoa ápeyea komomópiti koane ápeyea xanépiti enepo ihexíkapu motovâti keyúhoponi xoko koéhati Defensor Público.

Hane kixó'eko ákoyeanemo kêku, vo'oku anêkomo ixómoti xanéhexopi exoâti vékoku héu koeti ne koekuti énomonemo exókoepa nókone ké'iyi. Motovâtimakamo ápeyea advogado póhutine îti kátarako.

Kuti itukóvohiko ndukumentuna ûndi nókone ómeam motovâtimo atendéxeonu ne koéhati Defensoria Pública enepo inzukápu kuveu óvongu?

- 1) Kónokoa yómi kátera na îti ítuke purútuye motóvamaka itúkeovo po'ínu ndukuméntu mayane kuteatine kóiyeeovoku;
- 2) Kónokoamaka yómi ne CPF na îti;
- 3) Kónokoamaka yómi ne koyuhópeti exókoti yóvoku;
- 4) Kónokoa yómi héu koeti koyúhope koyuhoâti ipúhikope xi'íxaxapa;
- 5) Keyúhope koyúhoti itúkeovo iti kâsatu;
- 6) Îha yoko óvoku ne isukópiti;
- 7) Îha yoko óvoku ne noxópiti isikókono, enepo áva;
- 8) Kónokoa yómi héu koeti ndukuméntu koyuhoâti ápeyea peké'exa, koane áva iví'e konokoa héu kixi yómi koyúhopehiko ne apeínopiti;
- 9) Kónokoa yómi héu koeti yé'akeye apeínopiti kohépitinoe koekuti apêti kúveu yóvoku;
- 10) Kónokoa yómi héu koeti yoréveunoe (omotóva koane áva ndukuméntu);
- 11) Kónokoa yómi yé'akeye namúkea ne îme, enepo áva;
- 12) Kónokoa yómi ne mboléti ítike, enepo áva;
- 13) Kónokoa yómi ne koéhati Laudo, enepo áva;
- 14) Koane motova yómi po'ínuhiko ndukuméntu nexa kénoki.

Yéxapana ákoyea péhuxapu koane ako okónoko péhuxivo. Êno lêi koane êno Instituição motovâti huvó'oxeopi koane koseánapiti yokonókoa.

ENDERÉSUNAHÍKO YUHÓIKOVOKUTI KOÉHATI DEFENSORIA PÚBLICA YOKO HÉU KOETI PO'ÍNUHÍKO YUHÓIKOVOKUTI OVOTÍYA HÁNAITIKE MÊUM YÓKO PO'ÍKEHÍKO PITIVOKO.

Énomone ra koéhati NUDEM
Núcleo Inst. de Promoção e Defesa dos Direitos da Mulher
Defensoria Pública de Defesa da Mulher
R. Joel Dibo, 238 – Centro – Próximo ao SESC Horto.
Telefone: (67) 3313-5943
E-mail: nudem@defensoria.ms.gov.br

Óvoku Sêno (Casa da Mulher Brasileira)
Defensoria Pública de Defesa da Mulher
R. Brasília, SN, lote A, quadra 2 – Jardim Imá.
Telefone: (67) 3304-7589
E-mail: nudem@defensoria.ms.gov.br

KOTÍXOTI SÊNO HÁNA'ITIKE MÊUM

Sénturu na Referência ítuke Assistência Social (CRAS)

CRAS AEROPORTO - R. Rio Galheiros, 470.
Telefone: (67) 3314-7474

CRAS AERO RANCHO - R. Globo de Ouro, 862.
Telefone: (67) 3314-6410

CRAS CANGURU - R. dos Topógrafos esq. R. Cacimba.
Telefone: (67) 3314-5069

CRAS DOM ANTONIO - R. Lúcia dos Santos, s/n.
Telefone: (67) 3314-6396

CRAS ESTRELA DALVA - R. Palmeiras esq. R. Marques de Herval.
Telefone: (67) 3314-8302

CRAS GUANANDI - R. Itaguassu, 07.
Telefone: (67) 3314-6372

CRAS INDUBRASIL - R. Galo Campina, 134.
Telefone: (67) 3314-7483

CRAS LOS ANGELES - R. Afonso Celso, 885 esq. R. Arthur Pires.
Telefone: (67) 3314-5030

CRAS MOEMA - R. Aracy Pereira de Souza, 17
Conjunto Rouxinóis. Telefone: (67) 3314-4174

CRAS MORENINHA II - R. Paris esq. R. Barueri
Telefone: (67) 3314-9032

CRAS NOSSA SENHORA APARECIDA - R. Kamie Shimabuco, 08
Referência: ao lado do Ceasa. Telefone: (67) 3314-3208

CRAS NOVOS ESTADOS - R. Cataguases esq. R. Verdejantes.
Telefone: (67) 3314-8281

CRAS POPULAR - R. Marçal de Souza, 25 esq. R. José Ribas.
Telefone: (67) 3314-7478

CRAS SÃO CONRADO - R. Livino de Godoy, 777 esq. R.
Internacional.
Telefone: (67) 3314-6357

CRAS TIRADENTES - R. João Casimiro, 466.
Telefone: (67) 3314-3383

CRAS VIDA NOVA - R. Jacy Maria de A. Maia esq. R. Henrique B.
Martin. Telefone: (67) 3314-8300

CRAS VILA GAÚCHA - R. Beira Mar, 1186.
Telefone: (67) 3373-4371

CRAS VILA NASSER - R. Januário Barbosa, 366.
Telefone: (67) 3314-7407

CRAS ZÉ PEREIRA - R. Itaporanga, 107.
Telefone: (67) 3314-7409

Sénturu na Referência koati éxoti koane komómoti sêno koéhati Assistência Social (CREAS)

CREAS NORTE - R. São João Bosco, 49, esq. Av. Mascarenhas de
Moraes – Monte Castelo.
Telefone: (67) 3314-7477

CREAS SUL - R. Arquiteto Vilanova Artigas, s/n esq. R. Carlos
Drumont de Andrade – Aero Rancho.
Telefones: (67) 3314-6368, (67) 3314-6369

CREAS CENTRO - R. Antônio Maria Coelho, 283 – Vila Planalto.
Telefone: (67) 3321-2397

CREAS POP - R. Jornalista Marcos Fernandes Hugo Rodrigues, s/n,
com Trav. Desbarrancados – Jd. Veraneio (Parque dos Poderes).
Telefone: (67) 3341-2505

Sénturu huvu'óxoti sêno koéhati Apoio Psicossocial (CAPS)

CAPS PÓS-TRAUMA
R. Marechal Hermes, s/n. Antigo prédio UBS - Vila Almeida.
Telefone: (67) 3314-9963

CAPS AFRODITE DORIS CONTIS
R. Monte Pascoal, 366 – Vila Planalto.
Telefone: (67) 3314-3185

CAPS II – VILA MARGARIDA
R. Itambé, 2939 – Vila Margarida.
Telefone: (67) 3314-3871

CAPS III – AERO RANCHO
Av. Raquel de Queiroz, s/n – Aero Rancho.
Telefone: (67) 3314-6415

CAPS ÁLCOOL E DROGAS
R. Joaquim Murinho, 1786 – Antônio Vendas.
Telefone: (67) 3314-3756

Yuhóikovokuti póhutine sêno éxea koêku koéhati (DEAM)

1.ª DEAM - Rua 07 de Setembro, 2421 – Jardim dos Estados.
Telefone: (67) 3384-1149

ATÊNDEXOTI SÊNO – PO'ÍKE KÁLIHUNOE PITIVÓKO**ÁGUA CLARA**

DEFENSORIA PÚBLICA - R. Francisco Vieira, SN – Fórum.
Telefone: (67) 3239-1756

DELEGACIA DE POLÍCIA - R. Inspetor Osvaldo Antonio
Ferreira, 28 - Centro.
Telefone: (67) 3239-1101

AMAMBAI

DEFENSORIA PÚBLICA - R. Pedro Manvailer, 827 – Fórum.
Telefone: (67) 3481-4872

DELEGACIA DE POLÍCIA - R. Jacinto Basílio de Oliveira, s/n.
Telefone: (67) 3481-1415 / 3481-4875

ANASTÁCIO

DEFENSORIA PÚBLICA - Av. da Integração, SN – Fórum.
Telefone: (67) 3245-4493

DELEGACIA DE POLÍCIA - R. Coronel Ponce, 829 - Centro.
Telefone: (67) 3245-2207

ANAURILÂNDIA

DEFENSORIA PÚBLICA - R. Floriano Peixoto, 1001 - Fórum.
Telefone: (67) 3445-1152

DELEGACIA DE POLÍCIA - R. Santos Dumont, 833 - Centro.
Telefone: (67) 3445-1161

ANGÉLICA

DELEGACIA DE POLÍCIA - Av. Mário Carrato, 1648.
Telefone: (67) 3446-1609

APARECIDA DO TABOADO

DEFENSORIA PÚBLICA - Av. Orlando Mascarenhas Pereira,
2098 – Jardim Brandini II.
Telefone: (67) 3565-5552

DELEGACIA DE POLÍCIA - R. Marcolino T. Queiroz, 2032 –
Jardim Ipacarái.
Telefone: (67) 3565-1217

AQUIDAUANA

DEFENSORIA PÚBLICA - R. Nilza Ferraz Ribeiro, 391
Cidade Nova.
Telefone: (67) 3241-7919

DELEGACIA ESPECIALIZADA DE ATENDIMENTO À MULHER
(DEAM) - R. Luiz da Costa Gomes, 555 – Alto Aquidauana.
Telefone: (67) 3241-1172

CENTRO DE ATENDIMENTO À MULHER (CAM)
R. Antônio Nogueira, 818 – Alto Aquidauana
Telefone: (67) 3241-7376

BANDEIRANTES

DEFENSORIA PÚBLICA
Av. Francisco Antônio de Souza, 1460 – Fórum.
Telefone: (67) 3261-1463

DELEGACIA DE POLÍCIA
R. Arthur Bernardes, 1596 – Centro.
Telefone: (67) 3226-1451

BATAGUASSU

DEFENSORIA PÚBLICA
Rua Rio Brilhante, 506 - Fórum.
Telefone: (67) 3541-2990

DELEGACIA DE POLÍCIA
Rua Anaurilândia, 543 - Centro.
Telefone: (67) 3541-1286 / 3541-1360

BATAYPORÃ

DEFENSORIA PÚBLICA
Av. Brasil, 633 - Fórum.
Telefone: (67) 3443-1710

DELEGACIA DE POLÍCIA
R. Ataliba Ramos, 1724 - Centro.
Telefone: (67) 3443-1268

BELA VISTA

DEFENSORIA PÚBLICA
R. Barão do Ladário, 1595 - Fórum.
Telefone: (67) 3439-1088

DELEGACIA DE POLÍCIA
R. Coronel Camisão, 897.
Telefone: (67) 3439-1279

BONITO

DEFENSORIA PÚBLICA
R. Clóvis Cintra, 1035 – Vila Donária.
Telefone: (67) 3255-2307

DELEGACIA DE POLÍCIA
R. 24 de Fevereiro, 2181 - Centro.
Telefone: (67) 3255-1104

BRASILÂNDIA

DEFENSORIA PÚBLICA
R. Manoel Vicente, 1390 - Fórum.
Telefone: (67) 3546-1219

DELEGACIA DE POLÍCIA
R. Idolo Gastaldi, 465 – Centro.
Telefone: (67) 3241-1172

CAARAPÓ

DEFENSORIA PÚBLICA
R. Dom Pedro II, 1700 – Vila Planalto - Fórum.
Telefone: (67) 3453-1132

DELEGACIA DE POLÍCIA
R. Duque de Caxias, 1717 – Vila Planalto.
Telefone: (67) 3453-1311

CAMAPUÁ

DEFENSORIA PÚBLICA
R. Ferreira da Cunha, 415 - Fórum.
Telefone: (67) 3286-1140

DELEGACIA DE POLÍCIA
R. Cândido Severino, 848 - Centro.
Telefone: (67) 3286-2636 / 3286-1297

CASSILÂNDIA

DEFENSORIA PÚBLICA
R. Laudemiro Freitas, 137.
Telefone: (67) 3596-1537

DELEGACIA DE POLÍCIA
R. João Vieira Gonçalves, 56.
Telefone: (67) 3596-1366

CHAPADÃO DO SUL

DEFENSORIA PÚBLICA
Av. Mato Grosso do Sul, 596 – Fórum.
Telefone: (67) 3562-3739

DELEGACIA DE POLÍCIA
Av. Oito, 1705 - Centro.
Telefone: (67) 3562-1210 / 3562-1876

CORUMBÁ

DEFENSORIA PÚBLICA
R. Major Gama, 249
(67) 3232-9386

DELEGACIA ESPECIALIZADA DE ATENDIMENTO À MULHER
(DEAM) - Rua Major Gama, 290 - Centro.
Telefone: (67) 3907-5139

CENTRO DE ATENDIMENTO À MULHER (CAM)
R. Major Gama, 612 – Centro.
Telefone: (67) 3907-5479

COSTA RICA

DEFENSORIA PÚBLICA
R. José Pereira da Silva, 405, Id Santos Dumont - Fórum.
Telefone: (67) 3247-2540

DELEGACIA DE POLÍCIA
R. Josina Garcia de Melo, 1610 – Bairro Sonho Meu III.
Telefone: (67) 3247-1301

COXIM

DEFENSORIA PÚBLICA
R. Herculano Pena, 290.
Telefone: (67) 3291-5152

DELEGACIA ESPECIALIZADA DE ATENDIMENTO À MULHER
(DEAM) - Av. Gen. Mendes Moraes, 230 – Jardim Aeroporto.
Telefone: (67) 3291-1338

CENTRO DE ATENDIMENTO À MULHER (CAM)
Av. Virgínia Ferreira, 307, Fundos – Flávio Garcia.
Telefone: (67) 3291-4535

DEODÁPOLIS

DEFENSORIA PÚBLICA
Av. Francisco Alves da Silva, s/n - Fórum.
Telefone: (67) 3448-1110

DELEGACIA DE POLÍCIA
R. 25 de Dezembro, 281.
Telefone: (67) 3448-1366

DOIS IRMÃOS DO BURITI

DELEGACIA DE POLÍCIA
R. Reginaldo Lemos da Silva, 597 - Centro
Telefone: (67) 3243-1230

DOURADOS

DEFENSORIA PÚBLICA
R. Presidente Vargas, 177. Telefone: (67) 3421-9997

DELEGACIA ESPECIALIZADA DE ATENDIMENTO À MULHER
(DEAM) - R. Izzot Bussuan, 2555 – Vila Torani.
Telefone: (67) 3421-1177

CENTRO DE ATENDIMENTO À MULHER (CAM)
R. Iran Pereira de Matos, 1.520 – Vila Mari.
Telefone: (67) 3424-5268

ELDORADO

DEFENSORIA PÚBLICA
R. Assis Chateaubriand, 155 – Fórum.
Telefone: (67) 3473-1980

DELEGACIA DE POLÍCIA
R. Mato Grosso, 690.
Telefone: (67) 3473-1262

FÁTIMA DO SUL

DEFENSORIA PÚBLICA
R. Marechal Rondon, 1295 - Fórum.
Telefone: (67) 3467-1310

DELEGACIA ESPECIALIZADA DE ATENDIMENTO À MULHER
(DEAM) - R. Presidente Dutra, 1261 – Centro.
Telefone: (67) 3467-5537

CENTRO DE ATENDIMENTO À MULHER (CAM)
R. Cristobalina Ruiz Cabilo, 1.976 – Jardim Tatiane.
Telefone: (67) 3467-5537

GLÓRIA DE DOURADOS

DEFENSORIA PÚBLICA
R. Tancredo de Almeida Neves, SN - Fórum.
Telefone: (67) 3466-2437

DELEGACIA DE POLÍCIA
R. Marechal, 202 – Centro. Telefone: (67) 3466-1597

IGUATEMI

DEFENSORIA PÚBLICA
R. Lenira Nogueira Lopes, 607 - Fórum.
Telefone: (67) 3471-2121

DELEGACIA DE POLÍCIA
Endereço: Rua Ramão Trindade, 312 – Vila Nova.
Telefone: (67) 3471-1073 / 1372 / 1821

INOCÊNCIA

DEFENSORIA PÚBLICA
R. João Batista Parreira, 546 - Fórum.
Telefone: (67) 3574-1054

DELEGACIA DE POLÍCIA
Av. Juraci Luiz de Castro, 113 - Centro.
Telefone: (67) 3574-1119

ITAPORÃ

DEFENSORIA PÚBLICA
Av. São José, 02 - Fórum. Telefone: (67) 3451-1560

DELEGACIA DE POLÍCIA
R. Marcelino L. de Oliveira, 51. Telefone: (67) 3451-1562

ITAQUIRAÍ

DEFENSORIA PÚBLICA
R. Amambaí, 568 - Fórum.
Telefone: (67) 3476-1947

DELEGACIA DE POLÍCIA
R. Francisco Machado, 497 – Centro.
Telefone: (67) 3476-1239 / 1516

IVINHEMA

DEFENSORIA PÚBLICA
Av. Reinaldo Massi, 190 - Fórum.
Telefone: (67) 3442-3976

DELEGACIA DE POLÍCIA
Av. Panamá, 976 – Centro.
Telefone: (67) 3442-1685

JARDIM

DEFENSORIA PÚBLICA
R. Coronel Stuck, 51 - Fórum.
Telefone: (67) 3251-1178

DELEGACIA ESPECIALIZADA DE ATENDIMENTO À MULHER (DEAM)
Av. Fernando Aranha, 1055 – Vila Major Costa.
Telefone: (67) 3251-6397

CENTRO DE ATENDIMENTO À MULHER (CAM)
R. Marechal Rondon, 860 - Centro.
Telefone: (67) 3251-3297

MARACAJÚ

DEFENSORIA PÚBLICA
R. Luiz Porto Soares, 390 - Fórum.
Telefone: (67) 3454-3340

DELEGACIA DE POLÍCIA
R. Melânio Garcia Barbosa, 69.
Telefone: (67) 3454-1972

MIRANDA

DEFENSORIA PÚBLICA
R. General Amaro Bitencourt, 875 - Fórum.
Telefone: (67) 3242-1944

DELEGACIA DE POLÍCIA
R. Gal. Câmara, 445 - Centro.
Telefone: (67) 3242-1365

MUNDO NOVO

DEFENSORIA PÚBLICA
Av. Campo Grande, 375 – Bairro Berneck - Fórum.
Telefone: (67) 3474-2577

DELEGACIA DE POLÍCIA
Travessa Procópio Ferreira, 645 – Bairro Fleck.
Telefone: (67) 3474-1647

NAVIRAÍ

DEFENSORIA PÚBLICA
R. Higino Gomes Duarte, 155 – Centro - Fórum.
Telefone: (67) 3461-5122

DELEGACIA ESPECIALIZADA DE ATENDIMENTO À MULHER (DEAM) - R. Irineu Bonicentro, 74 – Jardim Progresso.
Telefone: (67) 3314-7483

CENTRO DE ATENDIMENTO À MULHER (CAM)
R. Rui Barbosa, 182 - Centro.
Telefone: (67) 3461-8223

NIOAQUE

DEFENSORIA PÚBLICA
R. Coronel Juvêncio, s/n - Fórum.
Telefone: (67) 3236-1360

DELEGACIA DE POLÍCIA
R. Coronel Juvêncio, 89.
Telefone: (67) 3236-1274

NOVA ALVORADA DO SUL

DEFENSORIA PÚBLICA
R. Marcelino Risdem, 1040 – Jardim Eldorado - Fórum.
Telefone: (67) 3456-2915 / 1344

DELEGACIA DE POLÍCIA
R. Antônio Gonçalves Diniz, 438 – Centro.
Telefone: (67) 3456-1649

NOVA ANDRADINA

DEFENSORIA PÚBLICA
Av. Alcides Menezes de Farias, 1137 - Fórum.
Telefone: (67) 3441-1711

DELEGACIA ESPECIALIZADA DE ATENDIMENTO À MULHER (DEAM)
R. Imaculada Conceição, 1608 - Centro.
Telefone: (67) 3441-8261 / 5071

CENTRO DE ATENDIMENTO À MULHER (CAM)
R. Santa Lúcia, 1.058 - Centro.
Telefone: (67) 3441-7600

PARANAÍBA

DEFENSORIA PÚBLICA
R. Ermírio Leal Garcia, 311 – Jardim Santa Mônica.
Telefone: (67) 3503-1039

DELEGACIA ESPECIALIZADA DE ATENDIMENTO À MULHER (DEAM) - R. Visconde de Tauná, 860 – Centro.
Telefone: (67) 3668-1413

CENTRO DE ATENDIMENTO À MULHER (CAM)
R. Juscelino Kubitschek, 55 - Centro.
Telefone: (67) 3668-4604

PEDRO GOMES

DEFENSORIA PÚBLICA
R. Professora Diva A. Azambuja, s/n - Fórum.
Telefone: (67) 3230-1393

DELEGACIA DE POLÍCIA
R. Aquidauana, 237.
Telefone: (67) 3230-1359

PONTA PORÁ

DEFENSORIA PÚBLICA
R. Baltazar Saldanha, 1817 - Fórum.
Telefone: (67) 3926-6532

DELEGACIA ESPECIALIZADA DE ATENDIMENTO À MULHER (DEAM) - R. 07 de Setembro, 617 – Centro.
Telefone: (67) 3431-3771

CENTRO DE ATENDIMENTO À MULHER (CAM)
R. Tiradentes, 1.559 – Centro.
Telefone: (67) 3431-4773

PORTO MURTINHO

DEFENSORIA PÚBLICA
R. 13 de Maio, 444 - Fórum.
Telefone: (67) 3287-1171

DELEGACIA DE POLÍCIA
R. João Paes de Barros, 400.
Telefone: (67) 3287-1289

RIBAS DO RIO PARDO

DEFENSORIA PÚBLICA
R. Waldemar Francisco da Silva, 1017 - Fórum.
Telefone: (67) 3238-1083

DELEGACIA DE POLÍCIA
Travessa Estevão de Almeida, 50 – Bairro Santos Dumont.
Telefone: (67) 3238-1138

RIO BRILHANTE

DEFENSORIA PÚBLICA
R. Rio Brilhante, 1060 – Vila Maria - Fórum.
Telefone: (67) 3452-6270

DELEGACIA DE POLÍCIA
R. Antônio João, 580 – Bairro Nova Esperança.
Telefone: (67) 3452-7464

RIO NEGRO

DEFENSORIA PÚBLICA
Av. Brasil, 990 - Fórum.
Telefone: (67) 3278-6270

DELEGACIA DE POLÍCIA
R. São Pedro, 130.
Telefone: (67) 3278-1109

RIO VERDE

DEFENSORIA PÚBLICA
R. Eurico S. Ferreira, 640 - Fórum.
Telefone: (67) 3292-1222

DELEGACIA DE POLÍCIA
R. Barão do Rio Branco, 990.
Telefone: (67) 3292-1528

SÃO GABRIEL DO OESTE

DEFENSORIA PÚBLICA
Av. Mato Grosso do Sul, 2130 - Fórum.
Telefone: (67) 3295-2350

DELEGACIA DE POLÍCIA
R. Minas Gerais, 2255.
Telefone: (67) 3295-1480

SETE QUEDAS

DEFENSORIA PÚBLICA
R. Monteiro Lobato, 629 - Fórum.
Telefone: (67) 3479-2046

DELEGACIA DE POLÍCIA
R. Rui Barbosa, 1487.
Telefone: (67) 3479-1480

SIDROLÂNDIA

DEFENSORIA PÚBLICA
R. São Paulo, 526.
Telefone: (67) 3272-1894

DELEGACIA DE POLÍCIA
R. Alagoas, 760 – Centro.
Telefone: (67) 3272-1444

SONORA

DEFENSORIA PÚBLICA
R. 03 de Junho, 90 - Fórum.
Telefone: (67) 3254-3819

DELEGACIA DE POLÍCIA
Av. Marcelo Miranda Soares, 700.
Telefone: (67) 3254-1130

TERENOS

DEFENSORIA PÚBLICA
R. Antônio José Paniago, 118.
Telefone: (67) 3246-0331

DELEGACIA DE POLÍCIA
R. João Egidio Zambelli, 45 – Centro.
Telefone: (67) 3246-1601

TRÊS LAGOAS

DEFENSORIA PÚBLICA
R. Duque de Caxias, 865.
Telefone: (67) 3929-1370

DELEGACIA ESPECIALIZADA DE ATENDIMENTO À MULHER (DEAM)
R. David Alexandria, 946 – Vila Nova.
Telefone: (67) 3521-9056

CENTRO DE ATENDIMENTO À MULHER (CAM)
R. Josiano da Cunha Viana, 1.399 – Vila Nova.
Telefone: (67) 3929-1038





**DEFENSORIA PÚBLICA
DE MATO GROSSO DO SUL**

**ITUKOÂTIHIKO:
Defensoria Pública-Geral de Mato Grosso do Sul**

Defensor Público-Geral do Estado
LUCIANO MONTALLI

Subdefensor Público-Geral do Estado
REGINALDO MARINHO DA SILVA

2ª Subdefensora Pública-Geral do Estado
ELIANA ETSUMI TSUNODA

Corregedora-Geral da Defensoria Pública
SALETE DE FÁTIMA DO NASCIMENTO

Subcorregedora-Geral da Defensoria Pública
GENI TIBÚRCIO ZAWIERUCHA

Coordenadora do NUDEM
Núcleo Institucional de Promoção e Defesa dos Direitos da Mulher
GRAZIELE CARRA DIAS OCÁRIZ

Coordenador de Projetos e Convênios
PAULO HENRIQUE PAIXÃO

Itukoâti yoko koyúseati ra kali koyuhópeti:

Yutoxoâti: Edmeiry Silara Broch Festi, Grazielle Carra Dias Ocáris e Thais Dominato Silva Teixeira
Komomópati emó'uke purútuye yoko koyúseopati: Moema Urquiza
Yutoxópati Emó'uke Têrenoe: Celma Francelino Fialho
Komomópati emó'uke Têrenoe yoko koyúseopati: Paulo Baltazar

REALIZAÇÃO:



**“Kúxone ûti yara kúveu mêum
poéhayeane koêku ,
koane pó'iti kixóvoku
itúkeovo akoti itopâti”.**
(Rosa Luxemburgo)